



BOSNIA AND HERCEGOVINA  
MINISTRY OF FINANCE  
AND TREASURY

CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 04-1-02-5-222-12/20  
Sarajevo, 31.12.2020. godine

Na osnovu člana 23. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 7. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14) i člana 3. Uputstva o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, br. 45/15, 64/18 i 7/19 *direktor Centralne harmonizacijske jedinice Ministarstva finansija i trezora BiH*, d o n o s i

PROGRAMA RADA  
CENTRALNE HARMONIZACIJSKE JEDINICE MINISTARSTVA FINANSIJA I  
TREZORA BiH ZA 2021. GODINU

**I – UVOD**

Važan dio reforme javne uprave u Bosni i Hercegovini je posvećen javnim finansijama, a ključni element u ovom području je uspostava sistema Javne interne finansijske kontrole ( u daljem tekstu: PIFC). Obaveza uspostave PIFC-a u institucijama BiH proizlazi i iz potpisanog Sporazuma o stabilizaciji i pridruživanju gdje je u članu 90 navedeno:

„Saradnja između strana usmjerit će se na prioritete vezane za pravnu tečevinu (acquis) Zajednice u oblastima unutrašnje finansijske kontrole u javnom sektoru (PIFC) i vanjske revizije. Strane će naročito saradivati s ciljem da, izradom i usvajanjem odgovarajućih propisa, razvijaju unutrašnju finansijsku kontrolu u javnom sektoru, uključujući finansijsko upravljanje i kontrole, funkcionalno nezavisnu unutrašnju reviziju, te nezavisne sisteme vanjske revizije u Bosni i Hercegovini, u skladu s međunarodno prihvaćenim standardima kontrole i revizije, te metodologijama i najboljom praksom EU. Saradnja će također biti usmjerena na jačanje kapaciteta i obuke za institucije s ciljem razvijanja unutrašnje finansijske kontrole u javnom sektoru kao i vanjske revizije (vrhovnih institucija za reviziju) u Bosni i Hercegovini, koja također podrazumijeva uspostavljanje i jačanje centralnih jedinica za usklađivanje sistema za finansijsko upravljanje i kontrolu i za sisteme unutrašnje revizije“.

Zakonsko regulisanje javne interne finansijske kontrole u institucijama BiH je zaokruženo kroz Zakon o internoj reviziji institucija Bosne i Hercegovine (Službeni glasnik BiH" br. 27/08 i 32/12) i Zakon o finansiranju institucija Bosne i Hercegovine („Službeni glasnik BiH“ broj: 61/04, 49/09, 42/12, 87/12 i 32/13). Zakonom o internoj reviziji u institucijama BiH je definisan mandat interne revizije, osnovni principi, procedure i aktivnosti interne revizije, kao i uspostavljanje Centralne harmonizacijske jedinice Ministarstva finansija i trezora BiH. Zakon o finansiranju institucija BiH definiše svrhu, ciljeve, područje primjene, metodologiju, odgovornosti za uspostavljanje finansijskog upravljanja i kontrole, kao i nadležnosti Centralne harmonizacijske jedinice MFiT BiH u ovoj oblasti. Propisi koji uređuju javne interne finansijske kontrole su doneseni u skladu sa međunarodno priznatim standardima, regulativama EU, dobrim praksama u državama članicama EU, kao i dobrim praksama i iskustvima u država okruženja koje su prolazile kroz faze vezane za proces priključenja EU.

Zakonom o internoj reviziji institucija BiH se obezbjeđuje institucionalizacija Centralne jedinice za harmonizaciju, koja je odgovorna za usklađivanje i koordinaciju finansijskog upravljanja i kontrole i metodologija interne revizije u institucijama BiH.

U vezi sa navedenim, misija CHJ je Uspostava i razvoj sistema javne interne finansijske kontrole (PIFC) u institucijama BiH radi osiguranja ekonomičnog, efikasnog i efektivnog trošenja budžetskih sredstava, poboljšanja finansijskog upravljanja i uspostavljanja upravljačke odgovornosti.

Uspostava i funkcionisanje PIFC-a treba biti potkrijepljeno principom upravljačke odgovornosti putem koje su rukovodioci institucija direktno odgovorni za uspostavljanje procedura interne kontrole i interne revizije, i promovišući kulturu javnog upravljanja koja se fokusira na traženje ekonomičnosti, efikasnosti i učinkovitosti svake aktivnosti, istovremeno održavajući apsolutni nivo usklađenosti sa zakonom.



Centralna harmonizacijska jedinica Ministarstva finansija i trezora u okviru Projekta Evropske komisije Jačanje PIFC-a u Bosni i Hercegovini IPA II izradila je novi strateški dokument u oblasti razvoja sistema internih finansijskih kontrola u institucijama BiH „Strategija razvoja sistema internih finansijskih kontrola u institucijama Bosne i Hercegovine za period 2020-2025. godina“. („Službeni glasnik BiH“, broj 43/20). Strategija je odredila ciljeve i aktivnosti daljnjeg razvoja javnih internih finansijskih kontrola koji će ih približiti standardima i praksi Evropske unije.

Centralna harmonizacijska jedinica Ministarstva finansija i trezora BiH izradila je Operativni godišnji akcioni plan Strategije razvoja sistema internih finansijskih kontrola u institucijama Bosne i Hercegovine za 2020. godinu. Operativni plan je usklađen s ciljevima i mjerama za realizaciju ciljeva iz oblasti javnih internih kontrola u institucijama Bosne i Hercegovine utvrđenih Strategijom razvoja sistema internih finansijskih kontrola u institucijama Bosne i Hercegovine za period 2020-2025. godine. Operativni godišnji akcioni plan sadrži ciljeve utvrđene Strategijom, aktivnosti za realizaciju utvrđenih ciljeva, nosioce aktivnosti, rokove za njihovo provođenje i pokazatelje uspješnosti. Planirani rokovi za realizaciju pojedinih aktivnosti u godišnjem akcionom planu korigovani su u odnosu na planirane rokove u Akcionom planu Strategije zbog kašnjenja usvajanja Strategije i zbog pomjeranja rokova za realizaciju ciljeva Projekta „Unapređenje internih finansijskih kontrola u javnom sektoru BiH“.

**Srednjoročni cilj:** Stabilan i transparentan sistem finansiranja, upravljanja i kontrole javnim finansijama i ispunjenje međunarodnih finansijskih obaveza BiH

Polazna osnova za konsolidaciju srednjoročnog cilja bila je „Uspostavljanje sistema javne interne finansijske kontrole u institucijama BiH (PIFC-a)“ i isti će se odvijati kroz uspostavljanje i jačanje funkcionalno nezavisne interne revizije u institucijama BiH i finansijskog upravljanja i kontrole u institucijama BiH.

**Specifični cilj:** Uspostava sistema javne interne finansijske kontrole (PIFC) u institucijama BiH u skladu sa dobrim praksama i preporukama EU

Sistem interne finansijske kontrole javnog sektora (PIFC), sastoji se od sljedećih osnovnih elemenata:

1. Funkcionalno nezavisne interne revizije (IR);
2. Finansijskog upravljanja i interne kontrole (FMC);
3. Centralne jedinice za harmonizaciju i koordinaciju sistema finansijskog upravljanja i kontrole i metodologija interne revizije (CJH).

U okviru specifičnog cilja definisan je jedan program i to: Razvoj i koordinacija pri uspostavi sistema FUK-a i funkcionalno nezavisne interne revizije u institucijama BiH, te dva projekta Uspostavljanje sistema za finansijsko upravljanje i kontrolu u institucijama BiH i Uspostavljanje funkcionalno nezavisne interne revizije u institucijama BiH.

## **PROJEKT USPOSTAVA SISTEMA ZA FINANSIJSKO UPRAVLJANJE I KONTROLU U INSTITUCIJAMA BIH**

Finansijsko upravljanje i kontrola je, u skladu sa Zakonom o finansiranju institucija BiH, definisano kao sveobuhvatan sistem politika, procedura i aktivnosti koji uspostavlja i za koji je odgovoran rukovodilac institucije. Sistem finansijskog upravljanja i kontrole zasniva se na upravljanju rizicima i daje razumno uvjerenje da će ciljevi institucije biti ostvareni na pravilan, ekonomičan, efikasan i efektivan način.

Finansijsko upravljanje i kontrola uspostavljaju se kao sistem procedura i definisanja odgovornosti i nadležnosti svih lica u instituciji donošenjem internih propisa. Interni propisi o finansijskom upravljanju i kontroli zasnivaju se na međusobno povezanim komponentama COSO okvira koje predstavljaju elemente standarda interne kontrole. Za uspostavljanje i razvoj sistema finansijskog upravljanja i kontrole odgovoran je rukovodilac institucije, što međutim ne isključuje odgovornost svih ostalih u skladu sa dodijeljenim nadležnostima i odgovornostima.

Nadležnost za koordinaciju i harmonizaciju sistema finansijskog upravljanja i kontrole u institucijama Bosne i Hercegovine ima Centralna harmonizacijska jedinica Ministarstva finansija i trezora. CHJ je u skladu sa svojim nadležnostima propisanim Zakonom o finansiranju institucija BiH i Odlukom o uspostavljanju CHJ donijela sljedeće podzakonske akte koji predstavljaju obaveznu osnovu institucijama za uspostavljanje i razvoj adekvatnog i efektivnog sistema finansijskog upravljanja i kontrole: Standardi interne kontrole u institucijama BiH („Službeni glasnik BiH“ broj 61/14), Priručnik za finansijsko upravljanje i kontrolu u institucijama BiH („Službeni glasnik BiH“ broj 98/14), Smjernice za provođenje procesa upravljanja rizicima („Službeni glasnik BiH“ broj 29/15), Pravilnik o godišnjem izvještavanju o sistemu finansijskog upravljanja i kontrole u institucijama BiH („Službeni glasnik BiH“ broj 77/15).

U saradnji sa Projektom „Unapređenje internih finansijskih kontrola u javnom sektoru BiH“, Centralna harmonizacijska jedinica Ministarstva finansija i trezora BiH će u 2021. godini izraditi podzakonski akt Metodologija za provjeru kvaliteta FUK-a u institucijama Bosne i Hercegovine. Podzakonske akte iz nadležnosti CHJ donosi direktor ove institucije.



Svake kalendarske godine CHJ donosi sljedeće dokumente: Odluka o objavljivanju forme i sadržaja Godišnjeg izvještaja o sistemu finansijskog upravljanja i kontrole u institucijama BiH; Plan i program obuke iz oblasti finansijskog upravljanja i kontrole u institucijama BiH

Obaveza CHJ je da u skladu sa izmijenjenom zakonskom regulativom i drugim izmijenjenim okolnostima redovno vrši ažuriranje svih donesenih podzakonskih akata u cilju njihovog usklađivanja i prilagođavanja izmijenjenim okolnostima, kao i u skladu sa ukazanim potrebama da donosi nove podzakonske akte.

Centralna harmonizacijska jedinica Ministarstva finansija i trezora BiH će u 2021. godini nastaviti izvršavati obaveze u vezi sa uvođenjem i razvojem finansijskog upravljanja i kontrola u institucijama BiH u skladu sa Zakonom o finansiranju institucija BiH, podzakonskim aktima i dinamikom odobrenom od strane Vijeća ministara BiH, kako bi institucije BiH ispunile obaveze u vezi sa primjenom člana 90. Sporazuma o stabilizaciji i pridruživanju.

Centralna harmonizacijska jedinica Ministarstva finansija i trezora BiH je, u skladu sa Zakonom o finansiranju institucija Bosne i Hercegovine, obavezna sačinjavati konsolidovani godišnji izvještaj o sistemu finansijskog upravljanja i kontrole u institucijama Bosne i Hercegovine i dostavljati ga Vijeću ministara BiH. Godišnji konsolidovani izvještaj se sastavlja na osnovu Godišnjih izvještaja o sistemu finansijskog upravljanja i kontrole, koji u vidu popunjenog Upitnika za samoprocjenu Centralnoj harmonizacijskoj jedinici MFiT BiH dostavljaju sve institucije BiH. Formu Godišnjeg konsolidovanog izvještaja i Upitnik o samoprocjeni sistema finansijskog upravljanja i kontrole propisuje Centralna harmonizacijska jedinica MFiT BiH.

Centralna harmonizacijska jedinica Ministarstva i trezora BiH će u 2021. godini organizovati i provoditi obuke iz oblasti finansijskog upravljanja i kontrole u institucijama BiH u skladu sa Planom i programom obuke iz oblasti finansijskog upravljanja i kontrole u institucijama BiH za 2021. godinu. Obuku će provoditi obučeni instruktori za finansijsko upravljanje i kontrolu.

## **PROJEKT USPOSTAVA FUNKCIONALNO NEZAVISNE INTERNE REVIZIJE**

Interna revizija je nezavisno, objektivno uvjeravanje i savjetodavna aktivnost, osmišljena da poveća vrijednost i poboljša rad institucije. Funkcija interne revizije je pružanje podrške instituciji da postigne svoje ciljeve obezbjeđujući sistematičan, disciplinovan pristup ocjeni i poboljšanju efektivnosti u upravljanju rizikom, kontrolama i upravljačkim procesima. Nezavisnost interne revizije podrazumijeva da je nezavisna od djelatnosti koju revidira, da podnosi izvještaje neposredno rukovodiocu institucije, a posebno da samostalno bez uticaja rukovodioca odlučuje o području poslovanja institucije koje će revidirati. Funkcionalna nezavisnost interne revizije podrazumijeva da nije dio ni jednog poslovnog procesa, odnosno organizacijskog dijela institucije, a o svom radu neposredno podnosi izvještaje rukovodiocu institucije. Kao takva, interna revizija suštinski predstavlja procjenu funkcionisanja finansijskog upravljanja i kontrola u određenoj instituciji.

Zakon o internoj reviziji institucija Bosne i Hercegovine („Službeni glasnik BiH“, br. 27/08 i 32/12) definiše način uspostavljanja i funkcionisanja nezavisne funkcije interne revizije u institucijama Bosne i Hercegovine.

Pored Zakona o internoj reviziji institucija BiH, sistem i metodološki okvir interne revizije u institucijama BiH uređeni su sljedećim podzakonskim aktima koje je donijela Centralna harmonizacijska jedinica MFiT BiH: Pravilnik o zapošljavanju internih revizora u institucijama Bosne i Hercegovine („Službeni glasnik BiH“, broj 81/12 i 99/14); Odluka o kriterijumima za uspostavljanje jedinica interne revizije u institucijama BiH („Službeni glasnik BiH“ broj 59/19), Priručnik za internu reviziju („Službeni glasnik BiH“, broj 82/11); Etički kodeks za interne revizore („Službeni glasnik BiH“, broj 82/11), Program obuke i sertifikovanja internih revizora u institucijama BiH („Službeni glasnik BiH“, broj 7/15 i 89/18), Uputstvo o kontinuiranoj profesionalnoj edukaciji internih revizora u institucijama BiH („Službeni glasnik BiH“ broj 97/15), Odluka o načinu bodovanja, evidentiranja i izvještavanja o kontinuiranoj profesionalnoj edukaciji internih revizora u institucijama BiH („Službeni glasnik BiH“ broj 56/17 i 65/19), Odluka o usvajanju Standarda interne revizije u institucijama BiH („Službeni glasnik BiH“ broj 93/17), Odluka o usvajanju Povelje interne revizije u institucijama BiH („Službeni glasnik BiH“ broj 30/18), Odluka o utvrđivanju okvirnog teksta Sporazuma o vršenju funkcije interne revizije u institucijama BiH („Službeni glasnik BiH“ broj 73/12 i 32/18) i Priručnik za reviziju učinka za interne revizore u institucijama BiH („Službeni glasnik BiH“, broj 81/19).

U okviru uspostavljanja funkcionalno nezavisne interne revizije u institucijama BiH, kao specifičnog cilja, u 2021. godini fokus će biti usmjeren na sljedeće programske zadatke:

- uspostavljanje funkcionalnih jedinica interne revizije u institucijama BiH,
- izvještavanje interne revizije,
- verifikacija, sertifikacija i kontinuirana profesionalna edukacija internih revizora,
- saradnja sa jedinicama interne revizije i Projektom EU,
- unapređenje regulative i metodologije rada interne revizije u institucijama BiH.

CHJ MFT BiH će u 2021. godini, na osnovu godišnjih izvještaja jedinica interne revizije, sačiniti Godišnji konsolidovani izvještaj interne revizije koji se, nakon odobrenja ministra finansija i trezora BiH, dostavlja Vijeću ministara BiH. Godišnji konsolidovani izvještaji interne revizije daju osnovne podatke o sistemu interne revizije u institucijama BiH, podatke o aktivnostima Centralne harmonizacijske jedinice Ministarstva finansija i trezora



BiH, podatke o jedinicama interne revizije, internim revizorima, podatke o revidiranim institucijama, kao i podatke o izvršenim internim revizijama od strane jedinica za internu reviziju institucija BiH i podatke o preduzetim aktivnostima na realizaciji zaključaka Vijeća ministara BiH.

Verifikacija, certifikacija i kontinuirana profesionalna edukacija internih revizora će se realizovati kroz davanje mišljenja o prihvatljivosti certifikata internog revizora izdatih od strukovnih udruženja i entitetskih CHJ, organizovanje obuka u procesu certifikacije internih revizora i kontinuirane profesionalne edukacije, te davanje mišljenja o ispunjavanju uslova za bodovanje obuka koje organizuju kako domaći, tako i strani izvođači obuka, u okviru kontinuirane profesionalne edukacije internih revizora u institucijama BiH.

Propisi iz oblasti interne revizije u institucijama BiH pripremljeni su u skladu sa Međunarodnim standardima interne revizije. CHJ MFT BiH će i u narednom periodu pratiti izmjene Međunarodnih standarda IR i u skladu sa istim, te primjerima dobre prakse, unapređivati regulativu i metodologiju rada interne revizije u institucijama BiH.

Obzirom da je zbog proglašenja pandemije izazvane virusom COVID 19 došlo do kašnjenja realizacije Projekta Evropske komisije Jačanje PIFC-a u Bosni i Hercegovini, a u cilju unapređenja kvaliteta rada interne revizije, planirano je da se u 2021. godini dovrše aktivnosti čija realizacija je bila planirana da se okonča u 2020. godini i to: ažuriranje Priručnika za internu reviziju u institucijama BiH ("Službeni glasnik BiH", broj 82/11) i dovrši izrada Metodologije za vršenje kontrole kvaliteta (interna i eksterna ocjena) interne revizije u institucijama BiH. Nakon ažuriranja ovih dokumenata Centralna harmonizacijska jedinica Ministarstva finansija i trezora BiH će također u saradnji sa Projektom organizovati obuke za interne revizore u institucijama BiH na teme koje su obrađene navedenim metodologijama, kao i obuke vezano za primjenu softvera za sprovođenje procesa interne revizije i izvještavanje, čija izrada je dogovorena da se realizuje u okviru Projekta.

Broj zaposlenih u CHJ MFIT BiH u 2021. godini će biti 10 po odobrenom Budžetu za tu godinu. U momentu sačinjavanja Programa rada Centralne harmonizacijske jedinice Ministarstva finansija i trezora BiH rada, broj zaposlenih je 9 i trenutno je u toku konkurs za zapošljavanje stručnog savjetnika za internu reviziju.

Rodna struktura u ovoj instituciji je sljedeća:

R.broj	Naziv radnog mjesta	Broj zaposlenih po pozicijama	Polna struktura
1.	Direktor	1	1 muški
2.	Zamjenik direktora	1	1 muški
3.	Pomoćnik direktora	3	1 muški, 2 ženska
4.	Stručni savjetnik	3	3 ženska
5.	Referent SSS	1	1 ženski

Rizici sa kojima se susreće Centralna harmonizacijska jedinica ministarstva finansija i trezora BiH u okviru svojih nadležnosti su:

- Nemogućnost realizacije obuka zbog epidemiološke situacije uzrokovane COVID-19, što za posljedicu ima nemogućnost potpune realizacije poslova iz nadležnosti CHJ MFIT BiH.
- Implementacija softverskog rješenja za izvještavanje može kasniti, zbog čega godišnji izvještaji institucija i izrada konsolidovanog izvještaja o FUK-u neće biti urađeni u skladu s akcionim planom Strategije razvoja sistema internih finansijskih kontrola u institucijama Bosne i Hercegovine za period 2020-2025. godine.

**Program rada Centralne harmonizacijske jedinice Ministarstva finansija i trezora Bosne i Hercegovine za 2021. godinu usvojen je na 23. sjednici Vijeća ministara Bosne i Hercegovine održanoj 29.12.2020. godine.**

Prilog:

- tabele

Dostaviti:

- web stranica,
- a/a.



DIREKTOR

Ranko Šakota



II - AKCIJSKI PLAN GODISNJEG PROGRAMA RADA CENTRALNE HARMONIZACIJSKE JEDINICE MINISTARSTVA FINANSIJA I TREZORA BIH

Opći cilj/natela razvika: Integrirani rast

Strateški cilj: Makroekonomska stabilnost

Srednjoročni cilj: Stabilan i transparentan sistem finansiranja, upravljanja i kontrole javnim finansijama i ispunjenje međunarodnih finansijskih obaveza BiH

Specifični cilj: Uspostava sistema javne interne finansijske kontrole (PIFC) u institucijama BiH u skladu sa dobrim praksama i preporukama EU

Programi i projekti	Nositelj aktivnosti (ustrojstvena jedinica)	Pokazatelj rezultata ili uliceja	Jedinica mjerenja (% broj ili opisno)	Polazna vrijednost		Ciljana vrijednost		Troškovi	Izvori financiranja					Konačni rok za izvršenje projekta (godina)			
				2020. godina	2021. godine	2020. godina	2021. godine		Proračun	Krediti	Donacije	Ostali izvori	Ukupno		Program u DOB-u		
1	2	3	4	5	6	7	8	9	10	11	12	13	14				
<b>Program 1.1.1. Razvoj i koordinacija pri uspostavi sistema finansijskog upravljanja i kontrole i funkcionalno nezavisne interne revizije u institucijama BiH</b>																	
Razvoj i koordinacija pri uspostavi sistema finansijskog upravljanja i kontrole i funkcionalno nezavisne interne revizije u institucijama BiH	CHU	Procjena uspostave FUK-a na osnovu konsolidovanih izvještaja i procjene kvaliteta u institucijama BiH	opisno	djelimično	djelimično	251.500	251.500	0	0	0	0	0	251.500	0112141	kraj godine		
			opisno	djelimično	djelimično	303.500	303.500	0	0	0	0	0	0	303.500	0112141	kraj godine	
<b>Projekat 1.1.1.1. Uspostavljanje sistema za finansijsko upravljanje i kontrolu u institucijama</b>																	
Uspostava sistema za finansijsko upravljanje i kontrolu u institucijama	CHU/Odsjek za FUK	Objavljeni i ažurirani podzakonski akti iz oblasti FUK-a u skladu sa ZOF	broj	1	2	50.000	50.000	0	0	0	0	0	50.000	0112141	kraj godine		
			broj	1	1	110.500	110.500	0	0	0	0	0	0	110.500	0112141	31.03.2020.	
			broj	3	4	91.000	91.000	0	0	0	0	0	0	0	91.000	0112141	kraj godine
<b>Projekat 1.1.1.2. Uspostavljanje funkcionalno nezavisne interne revizije u institucijama BiH</b>																	
Uspostava funkcionalno nezavisne interne revizije	CHU/Odsjek za IR	Broj uspostavljenih jedinica IR	broj	18	19	10.000	10.000	0	0	0	0	0	10.000	0112141	kraj godine		
			broj	0	2	40.000	40.000	0	0	0	0	0	0	40.000	0112141	kraj godine	
			broj	1	1	110.500	110.500	0	0	0	0	0	0	0	110.500	0112141	31.03.2020.
			broj	30	38	60.000	60.000	0	0	0	0	0	0	0	60.000	0112141	kraj godine
		Organizovane i održane obuke iz oblasti IR	broj	2	2	43.000	43.000	0	0	0	0	0	43.000	0112141	kraj godine		
			broj	0	38	40.000	40.000	0	0	0	0	0	0	40.000	0112141	kraj godine	

Izrada podzakonskih akata planiranih na Projektima Uspostava sistema za finansijsko upravljanje i kontrolu u institucijama i Uspostava funkcionalno nezavisne interne revizije u institucijama BiH za koje je nadležna CHJ, a koje potpisuje direktor CHJ, izvršit će se u saradnji sa Projektom EU za unapređenje javnih finansija u BiH.





**III - ZBIRNI PREGLED ZAKONA PLANIRANIH GODISNJIJIM PROGRAMOM RADA CENTRALNE HARMONIZACIJSKE JEDINICE MINISTARSTVA FINANSIJA I TREZORA BIH**

Opći cilj/načela razvika:

Strateški cilj:

Srednjoročni cilj:

Naziv zakona	Razlozi za donošenje zakona*	Usklađivanje sa pravnim nasljeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provedbu
1	2	3	4	5	6
1.1 (naziv programa)					
1.1.1 (naziv projekta)					
1.1.1.1 (naziv zakona)					
1.1.1.1.2 (naziv zakona)...					
1.1.2 (naziv projekta)...					
1.2 (naziv programa)...					

**IV - ZBIRNI PREGLED PLANIRANIH PODZAKONSKIH AKATA PLANIRANIH GODIŠNJIM PROGRAMOM RADA CENTRALNE HARMONIZACIJSKE JEDINICE MINISTARSTVA FINANSIJA I TREZORA BIH**

Opći cilj/načela razvitka: Integrirani rast

Strateški cilj: Makroekonomska stabilnost

Srednjoročni cilj: Uspostavljen sistem javne interne finansijske kontrole (PIFC) u institucijama BiH

Naziv podzakonskog akta	1	2	3	4	5	Planirani kvartal za provedbu
		Razlozi za donošenje podzakonskog akta*	Usklađivanje sa pravnim naslijeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	
<b>Program 1.1.1. Razvoj i koordinacija pri uspostavi sistema finansijskog upravljanja i kontrole i funkcionalno nezavisne interne revizije u institucijama BiH</b>						
<b>Projekt 1.1.1.1. Uspostava sistema za finansijsko upravljanje i kontrolu u institucijama</b>						
Metodologija za provjeru kvaliteta FUK-a u institucijama Bosne i Hercegovine		Unapređenje sistema FUK-a	NE	NE	NE	Kvartal 2
<b>Projekat 1.1.1.2. Uspostavljanje funkcionalno nezavisne interne revizije u institucijama BiH</b>						
Izrada i objavljivanje Metodologije za vršenje kontrole kvaliteta IR		Ažuriranje propisa	NE	NE	NE	Kvartal 2
Ažuriranje Priručnika za internu reviziju u institucijama BiH		Ažuriranje propisa	NE	NE	NE	Kvartal 2

**Napomena: Podzakonske akte iz nadležnosti CHJ donosi direktor ove institucije.**



V - ZBIRNI PREGLED MEĐUNARODNIH UGOVORA PLANIRANIH GODIŠNJIJIM PROGRAMOM RADA CENTRALNE HARMONIZACIJSKE JEDINICE MINISTARSTVA  
FINANSIJA I TREZORA BIH

Opći cilj/načela razvika:

Strateški cilj:

Srednjoročni cilj:

Naziv međunarodnog ugovora	Razlozi za zaključivanje međunarodnog ugovora	Usklađivanje sa pravnim naslijeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provedbu
1	2	3	4	5	6
1.1 (naziv programa)					
1.1.1 (naziv projekta)					
1.1.1.1 (naziv međunarodnog ugovora)					
1.1.1.1.2 (naziv međunarodnog ugovora)...					
1.1.1.2 (naziv projekta)...					
1.2 (naziv programa)...					



**VI - ZBIRNI PREGLED JAVNIH INVESTICIJA PLANIRANIH GODIŠNJIM PROGRAMOM RADA CENTRALNE HARMONIZACIJSKE JEDINICE  
MINISTARSTVA FINANSIJA I TREZORA BIH**

Opći cilj/načela razvitka:

Strateški cilj:

Srednjoročni cilj:

Specifični cilj:

Naziv projekta javnih investicija	Osnovni ciljevi, aktivnosti i komponente projekta	Planirano razdoblje realizacije
1	2	3
1.1 (naziv programa)		
1.1.1 (naziv projekta)		
1.1.1.1 (naziv javne investicije)		
1.1.1.2 (naziv javne investicije)...		
1.1.2 (naziv projekta)...		
1.2 (naziv programa)...		



## VII – IZVJEŠĆE O PROVEDENIM KONZULTACIJAMA KOD IZRADE PROGRAMA RADA

Program rada Centralne harmonizacijske jedinice Ministarstva finansija i trezora Bosne i Hercegovine za 2021. godinu bio je dostupan na portalu e-konsultacije 15 dana u periodu od 15.10 do 30.10.2020. godine, što znači da je bio otvoren za komentare i prijedloge na javno dostupnoj platformi. U periodu dok je Program rada bio dostupan za konsultacije nije bilo komentara, prijedloga niti primjedbi, te je Program rada donesen u predloženom tekstu.



DIREKTOR

Ranko Šakota